



Bilten

hCa Tuzla

Mjesečni bilten – April 2009

OMLADINSKI RESURSNI CENTAR (ORC) TUZLA; OMLADINSKA MREŽA BOSNE I HERCEGOVINE

Omladinska mreža Bosne i Hercegovine je neformalni skup vanstranačkih organizacija, grupa i osoba koje zadovoljavaju potrebe mladih u entitetima, aktivno ih uključujući u izgradnju demokratskih vrijednosti i jačanje civilnog društva. (Misija hCa Omladinske mreže u Bosni i Hercegovini, ustanovljena na radionici strateškog planiranja u Kulašima, 11. - 17. Juli 1999.g) Danas mreža okuplja 105 članica i 40 pojedinca iz 57 mjesta u BiH (zadnji podatak iz aprila 2009 nakon revizije).

- UVOD -

Dragi prijatelji, Pred vama se nalazi **aprilsko** izdanje mjesečnog informativnog biltena Omladinskog Resursnog Centra (ORC) Tuzla i Omladinske mreže Bosne i Hercegovine.

Bilten izlazi na bosanskom-srpskom-hrvatskom i engleskom jeziku. U njemu se nalaze informacije o aktivnostima Omladinskog Resursnog Centra (ORC) Tuzla, te Omladinske Mreže Bosne i Hercegovine, informacije o mjesečnim aktivnostima omladinskih organizacija i grupa - članica ove mreže, njihovi planovi za naredni period, te ostale korisne informacije (donatori, pozivi na konferencije i seminare, školarine, stipendije...).

Ukoliko želite da budete na mailing listi za naredna izdanja mjesečnog informativnog biltena ili ako imate pitanja ili sugestije, javite nam se. Mjesečni informativni bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

<http://www.omladina-bih.net>

Uživajte u čitanju!!

SADRŽAJ

Aktivnosti u Aprilu 2009	2
Planovi za Maj 2009	4
Aktivnosti dijela članica mreže	4
Nove članice	20
Informacije	22
Donatori,školarine,stipendije	25

AKTIVNOSTI U MARTU 2008.

U toku mjeseca hCa/ORC Tuzla je radio na redovnim aktivnostima - obradi informacija interesantnih za omladinski aktivizam i distribucija istih prema omladinskim organizacijama i članovima mailing liste Omladinske Mreže Bosne i Hercegovine, kao i uređivanju i distribuciji Mjesečnog biltena Omladinske Mreže Bosne i Hercegovine i redovno ažuriranje Web stranice: www.omladina-bih.net.

U okviru Regionalnog projekta za demilitarizaciju u partnerstvu sa NVO „Mirovna akcija“ iz Prilepa (Makedonija) organizovali smo dvije aktivnosti:

- u srijedu, 1. 4. 2009. godine od 12.00 - 14.00 sati održano je potpisivanje peticije na Tuzlanskom korzu. Na peticiji je za dva sata sakupljeno 763 potpisa. Potpisivanju peticije prisustvovali su i predstavnici sljedećih medija: TVT, BH Radio, Radio Slobodna Evropa, Dnevni List Mostar, Radio Soli, radio Tuzla, RTV TK i BM Radio Zenica. Tokom potpisivanja peticije DJ „Križe“ je bio zadužen za prigodni muzički program.



- srijedu 14. 4. 2009. godine, u Kući plamena mira u Tuzli, OD 13.00 - 15.00 sati održana je javna debata "Regionalna demilitarizacija svijesti - prednosti i mogućnosti". Uvodničari debate su bili Miralem Tursinović (hCa/ORC Tuzla) i Vehid Šehić (Forum građana Tuzla). Na debati su bili prisutni predstavnici MUP-a TK, Prosvjetno pedagoškog zavoda, predstavnici srednjih škola iz Tuzle, omladinske i nevladine organizacije, političke stranke, predstavnici Tuzlanskih fakulteta i udruženja studenata, građani Tuzle kao i predstavnici medija. Rasprava se vodila prvenstveno o maloljetničkoj delikvenciji u gradu Tuzli, zatim o sve većem porastu krivičnih djela koja uključuju upotrebu vatrenog oružja, korupciji na Tuzlanskim fakultetima, pasivnosti građana Tuzle, kao i pasivnosti omladinskih organizacija. Generalni zaključak debate jeste da ova debata predstavlja samo početak rješavanja problema, koji je veoma složen i koji zahtjeva uključenje svih odgovornih institucija. Jer svi mi snosimo odgovornost za ono što se dešava oko nas i u našem gradu.

Mjesečni bilten – April
2009



Dana 21. 4. 2009. godine našu kancelariju posjetile su kolegice iz organizacije IKV Pax Christi iz Holandije, g.djica Eveline Houg i g.djica Jasmina Tepić. Cilj posjete bio je identificiranje uloge mladih u BiH na području raznih socijalnih oblasti u post-konfliktnoj situaciji u zadnjih 14 godina. Tokom sastanka g.din Miralem Tursinović i g.din Emir Sejrančić su prezentovali iskustva naše organizacije u radu sa mladima u proteklom periodu.

Tokom aprila izvršili smo revidiranje adresara članica Omladinske Mreže BiH, jer smo primijetili da postoji određeni broj organizacija i pojedinaca koje se vode na listi članica, ali su se u međuvremenu ugasile, promijenile menadžmentsku strukturu pa nisu upućene o članstvu u mreži, promijenile osnovne podatke o organizaciji (telefon, adresu, e-mail, faks, ime kontakt osobe itd.) i slično. Tom prilikom smo e-mailom, telefonom i faksom kontaktirali organizacije - članice. Na osnovu dosadašnjih odgovora ažurirali smo listu članova/članica koju možete pronaći na linku <http://omladina-bih.net/clanice.htm>. Obzirom da se radi o velikom broju članova mi vas molimo i bili bi vam zahvalni ako nas kontaktirate ukoliko primijete netačne podatke o svojim organizacija ili bilo koje nedostatke na listi članica.

U toku mjeseca kontaktirani smo od „*Anna Lindh Euro-Mediterranean Foundation for the Dialogue between Cultures*”. Naime, ALF je vršio višemjesečna istraživanja o radu mreža na području BiH i tom prilikom su utvrdili da naša organizacija hCa/ORC Tuzla ima kontinuirane aktivnosti u koordinaciji Omladinske Mreže BiH. S tim u vezi poslan nam je poziv da se priključimo ALF-u. Iako je krajnji rok za prikupljanje svih potrebnih dokumenata bio 30. 4. 2009. godine, mi smo ga uspjeli završiti. Smatramo da ćemo našim uključivanjem u ovu mrežu prije svega doprinijeti razvoju omladinskog aktivizma, ali i nevladinog sektora u BiH u cjelini, a samim tim olakšati i BH euroatlantske integracije. Članstvo u ALF-u će isto tako omogućiti razvoj i o(p)stanak Omladinskih organizacija u BiH, te omogućiti mladima iz BiH da nastave razvijati svoje ideje, projekte i umrežavanja sa organizacijama iz regiona.

U saradnji sa partnerskim organizacijama iz Gruzije i Holandije (PMMG i Justitia et Pax) završili smo i aplicirali smo Ministarstvu Vanjskih poslova Kraljevine Holandije mali Matra projekt. Obzirom na dosadašnja iskustva i partnerstvo naše organizacije u Matra programu u Gruziji, nadamo se pozitivnom odgovoru.

PLANIRANE AKTIVNOSTI ZA APRIL 2009

Nastavak rada hCa/ORC Tuzla na redovnoj distribuciji informacija omladinskim organizacijama u Bosni i Hercegovini, kao i uređivanje i distribucija mjesečnog biltena Omladinske Mreže Bosne i Hercegovine;

Rad na završnom izvještaju Regionalnog projekta za demilitarizaciju;

AKTIVNOSTI ČLANICA MREŽE

UDRUŽENJE GRAĐANA „EKO-Leonardo“ KLUB MLADIH, Priboj

Adresa: Priboj bb, 75 249 Priboj

Tel: 065/538-494

E-mail: ugekoleo@teol.net



U BiH postoji aktivna manjina i pasivna većina

U okviru projekta „Od učešća javnosti do održivog razvoja“ kojeg do 2010. godine realizuje Centar za ekologiju i energiju iz Tuzle u saradnji sa Eko Leonardom iz Priboja, Opština Lopare, formirana je Eko koalicija od 39 nevladinih organizacija sa područja sjeveroistočne Bosne, iz Federacije, RS i Brčko Distrikta. Članice Eko koalicije danas su se sastali u Tuzli na prvoj radionici na kojoj su prezentovane planirane projektne aktivnosti i načini realizacije.



Koordinatorica projekta Advija Đonlić kaže da su nekontrolisano zagađenje vode, zraka, tla, opća nebriga o kvalitetu životnog prostora, nedovoljna povezanost NVO i nedovoljno zauzimanje za podsticaj održivog razvoja samo su neki od motiva projekta.

„Neprovođenje već postojećih zakona iz oblasti okoliša, slaba angažovanost vlada na rješenu nagomilanih ekoloških problema, zloupotreba prirodnih resursa u korist kratkoročnih dobitaka, neinformisanost građana o alternativnim izvorima energije, kao i nepostojanje jedinstvene baze podataka o ekološkim NVO i institucijama zaduženim za okoliš postavljaju nam zadatak koji je i cilj našeg projekta” ističe Đonlić.

Danas je održana prva od 16 radionica u okviru kojih će članovi i članice Eko koalicije ojačati kapacitete Eko koalicije kako bi se mogle realizovati kampanje kojih je planirano pet. Jedan od najvažnijih zadataka mreže 39 NVO je uključivanje javnosti u donošenje politika u cilju održivog razvoja i dijalog sa vlastima. U okviru projekta „Od učešća javnosti do održivog razvoja” prof. Dr. Najil Kurtić je pripremio studiju o BiH iskustvima u uključivanju građana u kreiranje javne politike. Prema riječima profesora Kurtića planeri su dužni u svim fazama uključivati građane. „Razvojni infrastrukturni projekti u koje su od samog početka uključeni građani uspješni su i ne bilježe gubitke” ističe profesor Kurtić naglašavajući snagu NVO sektora u procesu senzibilizacije i uključivanja javnosti u donošenje politika. Stoga je zaključak da građani moraju uzeti aktivno učešće u kreiranju i donošenju politika važnih za njihovu najbližu životnu okolinu.

KULT Sarajevo

Adresa: Banjska Ulica 2, 71210 Sarajevo

Tel: 033 637 290

E-mail: sarajevo@kultbih.org

Web: www.mladi.org



Udruženje KULT, sa svoja četiri ureda, svojim aktivnostima i djelovanjem u javnom životu nastoji kreirati demokratsku sredinu gdje će vlasti biti partneri nevladinim organizacijama i zajedničkim naporima učiniti život građana/ki kvalitetnijim i boljim.

Centralni ured Sarajevo (CUS)

Banjska ul. 2

71210 Ilidža

sarajevo@kultbih.org

www.mladi.org

Tel./faks: 033 637 290



Dan njemačke i bh. saradnje

Udruženje KULT je 23.4. 2009 na Svjetski dan knjige, organiziralo manifestaciju Dani njemačke i BiH saradnje. Na manifestaciji su učestvovali predstavnici/e njemačkih i njemačko-bosanskih preduzeća, kao i vladinih i nevladinih institucija koji su u pripremljenoj sali prisutnima prezentirali svoju djelatnost. Učestvovao je i gostovao veliki broj učenika/ca iz srednjih škola Kantona Sarajevo koje u svom nastavnom programu imaju predmet Njemački jezik. Umjetnik Timur Trako, uz pomoć učenika/ca 4. gimnazije, na zidu stubišta Centra izradio je grafit koji nosi poruku prijateljstva i sretne mladosti. Srednjoškolci su u sklopu manifestacije imali priliku pogledati film „Trči, Lola, trči”. Svečano otvaranje, kojem je prisustvovao veliki broj uglednih gostiju, obogatio je jedan poseban sadržaj – recitiranje poezije na njemačkom i bosanskom jeziku, a recitirali su je Muamer Logo i Anel Brkić, učenici 4. gimnazije s Ilidže. Više od 250 učenika/ca koji su posjetili manifestaciju te preko 60 učesnika/ca dokaz su uspješnosti obilježavanja Dana Njemačke i BiH saradnje.



Projekt Puna usta mladih

Aktivnosti projekta teku po utvrđenom planu. Anketni upitnik koji je kreiran na osnovu definiranih stavki iz Zakona o omladinskom organizovanju u RS-u postavljen je na web-stranicu projekta www.zakon.mladi.org. i zainteresiranima je omogućeno *online* popunjavanje.

Formiranje radne grupe za revidiranje nacrtu zakona o mladima u Brčko Distriktu u završnoj je fazi. Potpisani su memorandumi o saradnji na projektu s članovima radne grupe, među kojima su: predstavnik Komisije za koordinaciju pitanja mladih BiH iz BD-a, predstavnici udruženja Proni, Vermont i Svitac, a svoju su saradnju potvrdili i predstavnici OSCE-a Brčko i Vlade Brčko Distrikta, a pružena je i podrška OHR-a.

Svakodnevno pristižu i nova pisma podrške od vladinih i nevladinih organizacija – sada ih je više od četrdeset. Među njima su i ministarstva Zeničko-Dobojskog i Unsko-Sanskog kantona, Ured gosp. Rafija Gregorijana, Općinsko vijeće Ilidža itd.

Zabilježeno je i nekoliko medijskih nastupa, između ostalih i prilog na BHT1 u emisiji Naked TV.

Planska igra o EU

Udruženje KULT, u saradnji s njemačkim Institutom za inostrane odnose i GTZ-om, 3. i 4. aprila, 2009. god. provelo je Plansku igru o Evropskoj uniji. Planska igra o Evropskoj uniji se održala se u prostorijama Zgrade zajedničkih institucija BiH u Sarajevu. U ovom projektu učestvovalo je 80 mladih ljudi iz Srbije, Crne Gore, Hrvatske i Bosne i Hercegovine. Imali smo veliki broj gostiju/gošći koji su prisustvovali završnoj plenarnoj sjednici. Na toj sjednici, napisana je deklaracija koja će biti prosljeđena vlastima, ujedno kao poruka mladih ljudi ovdašnjim vlastima.

Obilježen Svjetski dan zdravlja

Udruženje KULT sudjelovalo je u projektu Partnerstvom do zdravlja, koji je proveden na Svjetski dan zdravlja, 7. aprila. Promovirali smo projekat MASLAČAK - Reci DA zdravom životu, kao i ostale projekte i aktivnosti. Prolaznici/e su na štandu KULTA mogli odrediti svoj indeks tjelesne težine, sudjelovati u igri spretnosti i osvojiti besplatan kurs u SPAJALICI.

Cilj je informiranje građana/ki o preventivnim aktivnostima odnosno projektima koje Ministarstvo zdravstva KS-a provodi u saradnji s udruženjima i zdravstvenim ustanovama s područja Kantona Sarajevo.



Škola prijateljstva

Započeo je projekt Škola prijateljstva. Da se podsjetimo, riječ je o programu besplatne pomoći učenicima/ama pri izradi domaćih zadataka, te raznim kreativnim radionicama i igraonicama. Učenici/ce trećih i četvrtih razreda osnovnih škola sa područja Općine Ilidža se druže svakog utorka i četvrtka u prostorijama Obrazovno-raznodnog centra za mlade SPAJALICA.

Ovakav način pomoći, ali ujedno i učenja kroz igru, uveliko pomaže pri socijaliziranju učenika/ca; učenici/e prepoznaju svoje potencijale, te sudjeluju u radionicama koje jačaju njihovo samopouzdanje i komunikaciju.

Trenutni broj učenika/ca koji dolaze u SPAJALICU je preko 20, ali svakodnevno pristižu nove djevojčice i dječaci.

Obilježen Dan planete Zemlja

Udruženje KULT je u dvorištu Obrazovno rasonodonog centra za mlade SPAJALICA posadilo drvo u čast indijanskog poglavice Seattle i na taj način obilježilo Dan planeta Zemlja. Pismo poglavice Seattle nadahnjuje i motivira svaku osobu kojoj je stalo da zaštiti prirodu i svoju okolinu, jer naši životi direktno ovise o njoj. Dan planete Zemlja prvi je put obilježen 22. aprila 1970. g. Otada se taj dan tradicionalno obilježava u cijelom svijetu. Svako od nas može toga dana, ali i svakoga drugog, učiniti nešto kako bi zaštitio planetu na kojoj živimo (pridružiti se akciji čišćenja šuma ili potoka, sadnjom stabla, i slično). Dan planete Zemlja jeste prilika da se podsjetimo na značaj prirode koja nas okružuje i da svojim odnosom doprinesemo njenoj zaštiti.

UDRUŽENJE OBOLJELIH OD HRONIČNIH VIRUSNIH HEPATITISA – "B18"

Adresa: Srđe Zlopogleđe 37, 78000 Banja Luka

Tel: 065/228-923

E-mail: uohcv@blic.net

Web: www.hepatitis.rs.ba

Predavanje u Gradišci

I tokom aprila Udruženje je nastavilo sa predavanjima o virusnim hepatitisima B i C za građane u Republici Srpskoj. Predavanje je održano 17. aprila 2009. godine u Kulturnom centru u Gradišci.

Godišnja skupština ELPA-e u Kopenhagenu – veliko međunarodno priznanje radu Udruženja

Godišnja skupština ELPA-e (European Liver Patients Association) se ove godine održala u Kopenhagenu od 22-26. aprila. Istovremeno u tom periodu se održavao i veliki Kongres hepatologa EASL gdje se okupilo nekoliko hiljada eminentnih stručnjaka iz cijelog svijeta iz ove oblasti medicine.

Naše Udruženje je punopravni član ELPA-e od 2006.godine, a ELPA okuplja 21 udruženje iz 17 država Evrope. Pored redovnih aktivnosti Skupštine: sastanaka, predavanja, prezentacija i sl. dodijeljene su i nagrade najboljim udruženjima u 2008. godini. Nagrade su dodjeljivane u kategorije: najbolje udruženje, udruženje koje je najviše uradilo na poboljšanju kvaliteta svog rada i udruženje sa novim-inovativnim pristupom u svom radu.

Stručna komisija je našem Udruženju dodijelila nagradu za „Udruženje koje je najviše učinilo za poboljšanje kvaliteta u svom radu“. To je svakako bilo najveće iznenađenje za sve prisutne, a za nas ogromno priznanje koje kruniše naš višegodišnji rad i svrstava nas među najkvalitetnija udruženja u Evropi.



Udruženje iz Njemačke je dobilo nagradu kao najbolje udruženje, a udruženje iz Engleske nagrađeno je za nove, inovativne metode u svom radu.

PLANIRANE AKTIVNOSTI UDRUŽENJA ZA MJESEC MAJ

Aktivnosti Udruženja u toku mjeseca maja biće u znaku obilježavanja Svjetskog dana hepatitisa koji se obilježava 19.maja. Virusni hepatitis je upala jetre izazvana virusima od kojih su najopasniji virus B i virus C. Prema podacima Svjetske zdravstvene organizacije preko 500 miliona ljudi u svijetu boluje od hepatitisa B ili C. Zbog toga se ovaj dan obilježava pod motom „**Da li sam ja broj 12**“. Godišnje, od posljedica koje izazivaju hepatitis B i C u svijetu umre 1,5 miliona ljudi!

Humanitarni telefon

Udruženje je sa Telekomom Republike Srpske potpisalo ugovor o aktiviranju skraćenog broja- u cilju prikupljanja sredstava za pomoć u liječenju osoba oboljelih od hepatitisa B i C.

Pozivom na broj 1411 , sa mobilnih i fiksnih telefona u RS , daruje se 1 KM za pomoć u liječenju oboljelih od hepatitisa B i C.

Akcija traje od 01-31.maja 2009. godine.

Obilježavanje Svjetskog dana hepatitisa –DA LI SAM JA BROJ 12?

Svjetski dan hepatitisa obilježava se 19. maja, i tom prilikom planiran je niz aktivnosti u BiH radi obilježavanja tog dana i upoznavanja javnosti i građana BiH o ovim virusnim infekcijama.

Centralna aktivnost dešavati će se 19. maja u Banjaluci na Trgu Krajine, postavljanjem montažnog štanda i raspodjelom edukativnog materijala građanima-prolaznicima.

Pored toga planiran je niz kulturnih i edukativnih aktivnosti tokom 7 dana prije i poslije 19.maja u nekoliko gradova BiH.

Sa RTRS-om imamo već potpisan ugovor o medijskom sponzorstvu obilježavanja tog dana, tako da će Svjetski dan hepatitisa biti adekvatno medijski popraćen.

NVO MDD – Muslimansko dobrotvorno društvo Merhamet Dobo

adresa: Kralja Aleksandra 17, 74000 Dobo

tel/fax: 053 226 886

web stranica: www.ngo.ba

Obimne su aktivnosti H.O. „Merhamet -a“ Dobo.

* Predsjednica „Merhamet- a“ Faketa Avdić prisustvovala sastanku po pozivu saveza udruženja -udruga raseljenih lica i povratnika u BiH.

Implementiraju se projekti:

1. „Pomoć nepokretnim osobama koje žive same“
Donator „Ministarstvo civilnih poslova“ za sport i kulturu.
Ovaj projekat je od velikog značaja za naš grad.



2. „Pružanje zdravstvene zaštite socijalno ugroženim kategorijama“ se sprovodi uz pomoć humanih donatora.
Španska humanitarna organizacija „Merdicaments solidaris“ je već tri godine partner „Merhamet- a“ Dobo i donacijom lijekova pomaže socijalno ugrožene povratnike.
3. „Pokretanje malog biznisa kreditiranjem“
Donator „Church world service“ se nastavlja, a učestvovalo je 113 korisnika.
4. „Podrška Vlade RS za održivost Merhamet -a“ i povratnika koji pokreću „mali biznis“ kao uzgoj pilića, plasteničkom proizvodnjom povrća, sadnja voćnjaka i uzgoj šampinjona.
Ovim projektom su obuhvaćena 23 povratnika.


Mjesečni bilten – April
2009

Asocijacija Srednjoškolaca u BiH

Adresa: Čobanija 9/3, 71000 Sarajevo

Tel/fax: 033 205 850, 063 223 148

E-mail: asubih@yahoo.com



Asocijacija srednjoškolaca u Bosni i Hercegovini je nevladina, nepolitička i neprofitna organizacija za sva Vijeća/Savjete učenika srednjih škola u Bosni i Hercegovini, koja postoji prvenstveno radi njihovog umrežavanja te poboljšanja standarda srednjoškolaca.

U mjesecu aprilu nastavljena je realizacija projekta „Edukacija – Aktivacija“ u okviru kojeg je 25. – 26.04.2009. u SHL kući u Sarajevu održan još jedan seminar za Vijeća/Savjete učenika srednjih škola BiH na kojem su ovaj bili prisutni članovi Vijeća/Savjeta učenika srednjih škola iz Tuzle, Foče, Posušja, Mostara, Goražda i Zenice.

U mjesecu maju, tačnije 09. – 10.05.2009. bit će održan još jedan ovakav „bazni“ seminar nakon kojeg je planirano održavanje petodnevnog „naprednog“ seminara za 20 najistaknutijih učesnika baznih seminara, a teme koje će biti zastupljene na naprednom seminaru su javno zagovaranje i lobiranje, komunikacijske vještine, te napredni stepen projekt menadžmenta.

Također, u maju je planirano i održavanje sastanka Upravnog odbora Asocijacije srednjoškolaca u BiH na kojem će se raspravljati o budućim aktivnostima Asocijacije.

Konačno, krajem maja (27. – 31.05.2009.) predstavnici ASuBiH-a prisustvovat će Generalnoj skupštini OBESU-a (Organising Bureau of European School Student Unions) koja se ove godine održava u Beogradu zajedno sa konferencijom na temu E-Democracy.

Sve dodatne informacije aktivnostima Asocijacije srednjoškolaca mogu se dobiti na web stranici www.asubih.ba ili putem e-maila asubih@asubih.ba



CORNO

Adresa: 7. ulica bb, 74 250 Maglaj

Tel/fax: +387 32 609 340

E-mail: ug.corno@corno.com.ba

Web: www.corno.com.ba

Edukacija

Kurs za profesore/ice „**Neformalno obrazovanje- metode i primjenljivost**“ - u subotu 25.04.2009. održan je prvi trening spomenutog kursa, i to u našim prostorijama u Maglaju, sa prisutnih 10 učesnika/ca. Tema treninga je bila „Pojam i značaj neformalnog obrazovanja“, gdje je predstavljena jasna slika o pojmu i značaju spomenute tematike. Trening je prošao više nego odlično, učesnici/ce su, s obzirom da dolaze iz formalnog sektora, postojeću metodologiju neformalnog obrazovanja prihvatili više nego odlično, i po njihovim reakcijama da se zaključiti da je ovakav način edukacije, kroz interakciju, konstruktivne diskusije, grupni rad jako zanimljiv i produktivan i sasvim sigurno nešto što će upotpuniti i osvježiti njihov rad.

Fondacija CURE Sarajevo - nakon potpisivanja tokom mjeseca aprila održani su pripremni sastanci vezano za treninge, koje će ova Fondacija raditi za djevojke uzrasta od 18-24 god. sa područja opštine Doboj. Treninzi će biti bazirane na spolu rodu, ženskim ljudskim pravima, herstoriji (žene kroz historiju), osnaživanju žena itd. Više o tome možete naći na web site-u www.fondacijacure.org

Omladinska politika

Nakon izrade dokumenta „Omladinska politika Opštine Doboj 2010.-2013.“, koju smo radili u saradnji sa MDPI iz Doboja uz svesrdnu podršku opštine Doboj, dobili smo poziv da radimo i izradu Omladinske politike opštine Petrovo zajedno sa MDPI Doboj uz pomoć opštine Petrovo. Do sada su urađeni pripremni sastanci, kao i kreiranje upitnika, našeg tima sa predstavnicima opštine Petrovo i lokalne omladine, a nakon toga već u utorak 28.04.2009. počelo je istraživanje o položaju mladih ljudi opštine Petrovo. Istraživanjem je obuhvaćeno 200 mladih ljudi u 8 mjesnih zajednica.

Omladinski rad

Aktivnosti u našim omladinskim klubovima u Doboju, Maglaju, Tesliću i Bočinji idu svojim ustaljenim rasporedima. U posljednje vrijeme znan je porast interesa i upisa članova u skoro svim klubovima.

Omladinski klub Doboj- trenutno su u toku raznorazne sekcije, od kojih izdvajamo kreativnu radionicu u sklopu koje djeluje i plesna sekcija, zatim sekcija glume, breakdance grupa, te je u planu osnivanje foto CORNO sekcije, tu su i peer edukatori odnosno vršnjačka edukacija koju rade naši volonteri uz pomoć naših omladinskih radnika/ca, održavaju se redovni sastanci volontera/ki kluba, a u planu je i organiziranje ljetnog kampa u saradnji sa SOS Kinderdorf iz Gračanice.

Omladinski klub Maglaj- ono što nudi ovaj omladinski klub je mjesto gdje mladi mogu provesti svoje slobodno vrijeme i učiniti ga što kvalitetnijim, birajući aktivnosti u kojima žele učestvovati po vlastitoj želji i potrebi i na taj način naučiti što više o sebi i drugima. Izdvajamo slijedeće aktivnosti: engleski jezik, informatička sekcija, kreativna radionica, plesna grupa, 2 breakdance grupe (stara i novoosnovana), te je u planu osnivanje novinarske, filmske, kao i foto sekcije. U proteklom mjesecu je urađeno 11 prezentacija naših aktivnosti u Osnovnoj školi „Maglaj“ u Maglaju, i to za 7. i 8. razrede spomenute škole.

Omladinski klub Bočinja- zbog lijepog vremena primjetan je porast vanjskih aktivnosti u ovom klubu, kao i porast članstva u sportsko-rekreativnim radionicama, kao što je priprema terena za odbojku u sklopu poligona. Od ostalih aktivnosti izdvajamo kreativne radionice, kao i organiziranje i priprema predstava.

Omladinski klub Teslić- jako dobra posjećenost kluba, u toku su kreativne radionice, trenutno su fazi pripreme projekata za SHL (Schuller helfen leben) od strane savjeta učenika OŠ. „Jovan Dučić“ iz Teslića.

Aktivnosti koje su u planu su organiziranje turnira u stolnom tenisu, zatim organiziranje Sportskog dana, također od strane Savjeta učenika OŠ „Jovan Dučić“. Nekoliko volontera, koji su inače i članovi nekih lokalnih bendova žele pokrenuti nekoliko muzičkih projekata. Ono što je bitno naglasiti je činjenica da volonteri/ke sve više sami preuzimaju odgovornosti i organiziraju svakojake aktivnosti i manifestacije, što je zaista i cilj.

NVO Vijeće - čiji smo član, kao i član Izvršnog komiteta istoimenog Vijeća, što znači da smo već uveliko u ovom procesu ujedinjenju NVO-a, redovno se održavaju sastanci, zadnji u aprilu mjesecu održan je 28.04.2009. u Sarajevu.

Planirane aktivnosti za maj 2009.

Za naredni mjesec, od mnogobrojnih aktivnosti, izdvajamo slijedeće:

U sklopu edukativnog dijela programa kurs za profesore/ice pod nazivom “**Neformalno obrazovanje- metode i primjenljivost**” je kako smo prethodno naveli započeo sa edukacijom. Prvi trening pod nazivom “Pojam i značaj neformalnog obrazovanja” je već održan, i to 25.04.2009. u našim prostorijama u CORNO-u, naredni je predviđen već za četvrtak 07.maj.2009. godine.

Napominjemo još jednom da su ciljevi ovog kursa zapravo upoznati profesore/ice sa metodama neformalnog obrazovanja, istražiti mogućnost primjene metoda neformalnog u sistemu formalnog obrazovanja, kao i promovirati vrijednost odnosno značaj neformalnog obrazovanja.

Kurs se inače sastoji od 4 interaktivna trosatna treninga i bit će planirani prema mogućnostima učesnika/ca.

Fondacijski kurs za općinske službenike je također u pripremi i njegova realizacija će biti tokom narednog mjeseca. Fondacijski kurs je osmišljen kako bi općinskim službenicima pružio osnovna znanja i vještine u razvoju međuljudskih odnosa. Ovo je već drugi Fondacijski kurs koji realizujemo i do sada se pokazalo da je ovakav vid edukacije itekako potreban općinskim službama naše regije. Ono što je predviđeno za ovaj kurs je pružanje osnovnog znanja i vještina iz oblasti engleskog jezika i informatike, što bi općinskim službenicima uveliko olakšalo rad na poslovima koje obavljaju.

Fondacija CURE sa sjedištem u Sarajevu u periodu od 14.05.-17.05.2009. održati će se 4 šestosatna treninga za djevojke uzrasta od 18 do 24 godine sa područja opštine Doboj. Treninzi će se održati u našim prostorijama u Doboju. Predviđene teme su spol i rod, ženska prava kroz herstoriju, osnaživanje žena, forum teatar, ženski aktivizam itd. Nakon ova 4 treninga naredna dva će se održati u Sarajevu. Nakon uspješno završenih treninga učesnice će dobiti certifikate o učešću.

Omladinska politika opštine Petrovo- u ovom periodu naš tim će, u saradnji sa lokalnim predstavnicima mladih I opštine Petrovo, završiti anketiranje/ istraživanje o položaju mladih ljudi opštine Petrovo, kako bi se zatim prešlo na daljnju obradu podataka.

Planirana je dodjela certifikata za polaznike 6.generacije kursa “Osnove omladinskog rada”, zatim polaznike projekta ICDRP-a Izgradnja civilnog društva u ruralnim područjima”, kao i ponovno okupljanje A i B level studenata edukativnog programa “Liderstvo i razvojni omladinski rad u zajednici”, koji je rađen u saradnji sa univerzitetom “Škola za edukaciju i komunikaciju” iz Jonkopinga/ Švedska.

PRONI

Adresa: Bosne Srebrene 16, 76100 Brčko

Tel/fax: 387 49 233 940, 387 49 217 695

E-mail: pronibrco@teol.net

Web: <http://www.pronibrcko.ba>



Debata

„BIH MLADI U PROCESU EVROPSKIH INTEGRACIJA: Politike zapošljavanja mladih“

PRONI je 22.04.2009. u Brčkom organizovao debatu „BIH MLADI U PROCESU EVROPSKIH INTEGRACIJA: Politike zapošljavanja mladih“ pod pokroviteljstvom specijalnog predstavnika EU (EUSR u BiH) i češkog predsjedavanja EU, u saradnji sa Direkcijom za Evropske integracije.

Učesnici debate su bili iz različitih sektora: vladinog, nevladinog i biznis sektora, koji se bave tematikom zapošljavanja, kao i aktivisti omladinskih organizacija. Učešće ambasadorice Francuske u BiH, Nj. E. Maryse Berniau, gradonačelnika Brčko Distrikta Dragana Pajića i dogradonačelnika Ante Domića, je dodatno naglasila bitnost teme zapošljavanja mladih u BiH, kao i njihovo integrisanje u evropske procese.



Ambasadorica Francuske u BiH Nj. E. Maryse Berniau je u uvodnom djelu debate istakla da je cilj debate pojasniti politike zapošljavanja mladih u kontekstu procesa evropskih integracija kao i načine da se uskladi školski sistem sa potrebama tržišta rada. Ambasadorica je navela i primjere dobre prakse iz Francuske i drugih zemalja Zapadne Evrope, povezanosti obrazovanja sa potrebama tržišta. Također, istaknula je da je za svaku zemlju bitno, a naročito za BiH kao zemlju koja teži priključenju EU, da razvije politiku zapošljavanja mladih kao jednog od uslova za integracije u evropske procese.

Dženana Ibišević, član Komisije za mlade BiH, je navela alarmantni podatak da je 58 % mladih ljudi u BiH nezaposleno na osnovu rezultata analize o Položaju mladih i omladinskog sektora u BiH, a da je trenutno i veći broj obzirom na ekonomsku krizu u svijetu.

Važnost reforme srednjoškolskog obrazovanja tokom debate istakao je i Nedeljko Masleša, pomoćnik direktora Direkcije za evropske integracije BiH.

Tokom debate se također iskristalísalo mišljene učesnika o važnosti cjelo životnog učenja i usavršavanja kao bitnog činioca za sprječavanje nezaposlenosti i nedostatka perspektive u izboru zanimanja.

Debate su medijski pratili novinari medija: FTV, BHT 1, RTRS, RTV BN, Dnevni Avaz, Nezavisne novine, RTV HIT, Radio Brčko, Dnevni list, informativni portali ctrlx.info i infobrcko.com.

Konačni zaključci debate su bili da je neophodno raditi na reformi obrazovanja, koje treba prilagoditi tržištu rada i da srednjoškolsko obrazovanje treba usmjeriti mlade ljude ka izboru zanimanja, a jedan od načina kako to postići je uvođenje obaveznog srednjoškolskog obrazovanja.

PRONI obilježio svjetski dan Roma

PRONI je u saradnji sa Udruženjem građana za promociju obrazovanja Roma "OTAHARIN" Bijeljina obilježio dan Roma 08. april 2009. godine u Bijeljini.

Svjetski dan Roma obilježen je na pješačkoj zoni u Bijeljini kod biblioteke Filip Višnjić sa početkom u 15 h, kroz sljedeće aktivnosti:

- Mladi Romi iz udruženja „OTAHARIN“ iz Bijeljine podijelili oko 200 letaka sa informacijama o svjetskom danu Roma građanima Bijeljine;
- Urađeno je 85 anketa o pitanju položaju Roma u Bijeljini, Dekadi Roma, školovanju i zapošljavanju Roma sa građanima Bijeljine;
- Volonteri PRONI Centra iz Bijeljine kreativnom prezentacijom različitih uloga (penzioneri, biznismeni, trudnice, manjine, studenti) su privukli veliku pažnju građana i medija sa porukom da svi imamo ista prava.



Anketa na 85 ispitanika starosti od 17 do 76 godina sprovedena na ulicama Bijeljine je pokazala sljedeće:

- 52 ispitanika ili 61,2% smatra da su Romi ugrožena manjina u Bijeljini
- 33 ispitanika ili 38,8% smatra da Romi nisu ugrožena manjina u Bijeljini
- 19 ispitanika ili 22,4% zna šta je Dekada Roma
- 66 ispitanika ili 77,6% ne zna šta je Dekada Roma

Od 19 ili 22,4% ispitanika koji su bili informisani o Dekadi Roma samo je 11 ispitanika ili 57,9% odgovorilo na naredno pitanje.

Koje oblasti obuhvata dekada Roma?

- Obrazovanje – 8 odgovora ili 38,1%
- Zapošljavanje – 2 odgovora ili 9,5%
- Zdravlje – 5 odgovora ili 23,8%
- Stanovanje – 6 odgovora ili 28,6%
- 83 ispitanika ili 97,6% smatra da Romi treba da se školuju i imaju posao u svojoj struci
- 2 ispitanika ili 2,4% ne smatra da Romi treba da se školuju i imaju posao u svojoj struci

Akciju je propratilo 10 medijskih kuća koje pokrivaju područje Bijeljine i šire: RTRS radio i televizija, TV BN, TV Arena, TV Slobomir, PAN radio, Radio Bobar, Radio Daš, Blic novine i Semberske novine.

Udruženje SANUS - Prijedor

Adresa: Pećani B-2, ulaz 3, 79 101 Prijedor

Tel/fax: +387 52 232 828, 234 846

E-mail: sanus@prijedor.com

Web: <http://www.users.prijedor.com/sanus>

Udruženje Sanus iz Prijedora u proteklom mjesecu radilo je na pripremi obilježavanja Dana planete Zemlje. Ovaj veoma značajan datum obilježili smo u Prijedoru, na centralnom gradskom trgu 21. aprila uz podršku opštine Prijedor, a u saradnji sa Ekološkom koalicijom unskog sliva. Tom prilikom podijeljen je propagandni materijal na temu zaštite životne sredine sa posebnim akcentom na zaštiti voda. Pridružili su nam se i biciklisti iz Banja Luke koji su ovaj značajan datum obilježili biciklističkom rutom Bihać - Bosanska Krupa - Novi Grad – Prijedor - Sanski Most – Ključ - Mrkonjić Grad - Banja Luka. Koncert su održale prijedorske grupe: Dbau iza Djale i Tattoo koji je nedavno proglašen za najbolji klupski bend Srbije i Republike Srpske, a naša organizacija se može pohvaliti da im je pomogla u danima kada nisu imali prostor i opremu za vježbanje.

Naredni period provesti ćemo u pripremama za obilježavanje Dana rijeka.

Omladinski klub "Pod istim suncem"

Adresa: Trg Oslobođenja bb. JABLANICA

tel/fax 036-753-475

e - mail: okpis@bih.net.ba

Bosnia and Herzegovina



Omladinski klub je u aprilu završio projekat pod nazivom "Mladi u akciji" u partnerstvu sa NPA. Najvažniji rezultati projekta jesu usvajanje dokumenta „Implementacija Akcionog plana za mlade za 2009 godinu“ od strane komisije za mlade pri Općini Jablanica, te usvajanje Anexa 5 od strane Općinskog Vijeća kao dodatka ugovoru između NVO-a i lokalne vlasti. Anex 5 predviđa procedure i način implementacije „Akcionog plana za mlade“ poslije 2009 godine, čime je postignuto sigurno, dugoročno i pravilno implementiranje spomenutog plana.


Predstavnici kluba su od 23. do 26. aprila prisustvovali regionalnom sastanku koji je organizovala NPA u Skoplju, Makedonija. Razlog organizovanja ovog sastanka je upoznavanje sa regionalnim projekatom demilitarizacije za 2009-10 koji NPA implementira u partnerstvu sa Mirovnom Akcijom iz Makedonije, te još nekim organizacijama iz regiona među kojima je i omladinski klub. Sastanku su prisustvovali i predstavnici organizacija partnera iz Makedonije, BiH, Hrvatske, Srbije i Kosova koji su predstavili svoje projekte koji su sastavni dio regionalnog projekta. Osim razgovora o projektu demilitarizacije, razgovaralo se i o dosadašnjim projektima organizacija u saradnji sa NPA, medijskim strategijama NVO-a, pitanjima jednakosti roda, te izlaznoj strategiji Norveške Narodne Pomoći.

Također, članovi i volonteri omladinskog kluba su realizovali 3 mala ekološka projekta: Čišćenje gradske plaže, uklanjanje plastičnog otpada sa površine jezera i uređenje prostora oko gradskog kina. Kao nagradu za uspjeh volonteri su pozvani na muzički festival u Danskoj.

Pored projektnih aktivnosti u klubu se odvijaju i dnevne aktivnosti u sklopu internet-kafeja, te filmske projekcije u gradskom kinu.

O.O. ODISEJ Bratunac

Adresa Gavrića Principa bb, 75 420 Bratunac,
mobitel: +387 (0)65 734 216,
fax +387 (0)56 410 969
e-mail: oodisej@yahoo.com,
www.oodisej.org.ba



Omladinska organizacija "Odisej" iz Bratunca početkom maja počinje sa radionicama za djecu uzrasta od 10 do 12 godina. Naziv radionice će biti "Igre bez Granica".

Teme koje će se obrađivati na ovim radionicama koje će trajati narednih pet mjeseci isključivo vikendom su:

- Rad na računarima (Obuka)
- Saradnja kroz Razne društvene igre
- Razne dječije ideje (Crtanje i pisanje)
- Sportske igre (Stolni tenis, košarka itd)
- Maskenbal
- Pozorišne predstave
- Ulične akcije
- Predavanje opšte kulture
- Posjećivanje raznih kulturnih obilježja
- I JOŠ MNOGO DRUGIH KORISNIH AKTIVNOSTI-

Za sve dalje informacije u vezi ovih radionica u organizaciji "Odisej" možete dobiti na:
Tel: 056/410-969 fax: 056/410-969 mob: 064/462-07-83 e-mail adresa: oodisej@yahoo.com

UDRUŽENJE MLADIH MONNET CENTAR

Adresa Bosanska 121, 77250 Bosanski Petrovac,
mobitel: +387 (0)61 396 038,
e-mail: monnetcentarbp@gmail.com,

POVRATAK ILI POČETAK...

Udružiti grupu mladih, onih malo mlađih ili onih mladih malo stariji, pod „krov“ jedne ideje o promjeni, aktivnosti, želji da se nešto uradi baš i nije toliko teško. Na sve su (smo) spremni! Puni entuzijazma i energije, spremni i „glavom od zid“, ne razmišljajući baš puno o posljedicama, i ne razmišljajući da „udarci“ bole.

Pokušavam ispričati priču o Udruženju mladih Monnet Centar iz Bosanskog Petrovca, kako je nastalo i kako je „nestalo“ i kako se ponovo vraća...

Davno nekada okupljeni oko ideje da djeci Bosanskog Petrovca pružimo nešto više od ulice, okupili smo se i pokušavali graditi svijet onako kako smo mi to zamišljali da treba da bude. Pokušavali smo našoj djeci da

osmislimo prostore zabave i učenja, igre i druženja, kreativnosti i prijateljstva... Vjerovali smo da možemo sve sami da uradimo. Nije nam bila potrebna niti pomoć lokalne uprave, niti bilo kakve veze sa drugim organizacijama, niti pisanje projekata... apsolutno nismo imali predstave šta znači biti jedna NVO. Jednostavno, mi smo bili neformalna grupa mladih okupljena oko jedne ideje. Ubrzo su počeli pristizati problemi nedostatka finansijskih sredstava, ušli smo u proces registracije jer smo shvatili ukoliko želimo namaknuti sredstva za opstanak grupe i ideje moramo se formalizirati, ali kako to obično biva ozbiljnost rada jedne NVO prevazilazi neformalnost jedne grupe ljudi, koji možda nisu bili spremni preuzeti ovakvu vrstu odgovornosti.

Ključni događaj za nas je bilo zatvaranje Doma Kulture zbog ruševnog stanja objekta. Pokušavali smo da prizovemo svijest čelnih ljudi Opštine, građana Bosanskog Petrovca i postali smo svjedoci umiranja i ono malo „kulture“ u našem gradu. Sa „smrću“ Doma Kulture „umro“ je i Monnet Centar.

Pet godina kasnije... 2008-2009... „klima“ se mijenja u našem gradu. Dolaze ljudi koji znaju i razumiju potrebe postojanja nevladinog sektora, kao korektora i kao posrednika između građana i lokalne uprave. Potreba za usklađivanjem i građana i nevladinog sektora i lokalne uprave u našem malom gradu postoji. Izgradnja povjerenja jednih prema drugim u cilju stvaranja bolje životne sredine za sve nas u Bosanskom Petrovcu.

Krenuli smo dobro. Okupila se neka nova-stara ekipa. Nismo više tako mladi. Ime nam je isto, iskustva, ciljevi i djelatnosti su malo drugačiji, ali želja i volja da se mijenja je ista! Dovedi smo do kraja proces registracije, i krenuli u prvi pravi projekat, doduše u partnerstvu, ali tako je bolje... učiti od onih koji već imaju iskustva.

U martu 2009 godine UM Monnet Centar je postao član „mreže graditelja zajednica“ sa još 9 opština sa područja BiH (Prijedor, Ključ, Bos. Krupa, Živinice, Mostar, Trebinje, Foča, Bratunac i Novi Grad). Sa „DON – om“ iz Prijedora učestvujemo u projektu „Obrazovani građani grade zajednice“. Projekat se implementira u dvije mjesne zajednice na području opštine Bosanski Petrovac i cilj projekta je kapacitiranje građana i podizanje svijesti o potrebi da su oni ti koji odlučuju šta se radi u njihovom okruženju. Izrada LAP-a za period od 1-3 godine i da taj plan bude sastavni dio Strategije razvoja opštine. Projekat će kulminirati sa jednom zajedničkom akcijom u mjesnoj zajednici. Građani će odlučiti koji je to prioritetan problem u njihovoj mjesnoj zajednici i zajedno sa „DON-om“ iz Prijedora, Monnet Centra i lokalne uprave pokušati ga riješiti.

30. aprila u saradnji sa OC Kosmos iz Ključa imamo prezentaciju projekta „Mladi u Akciji“ u Srednjoj mješovitoj školi u Bosanskom Petrovcu, te u MZ Bravsko omladinskom centru „Bravsko“.

U maju imamo predviđen nastavak aktivnosti u našim mjesnim zajednicama. Zborove građana, anketiranje vezano za projekat, odabir prioriteta problema, te radionice za izradu LAP-ova za te mjesne zajednice.


Još uvijek smo od danas do sutra. Ne gradimo puteve, niti elektrificiramo, ali želimo da budemo graditelji i naročito graditeljke podignute svijesti građana i građanki našeg grada da smo mi jedini – građani i građanke-početak boljeg života u našem gradu, sa svim onim elementima normalnog funkcioniranja civilnog, civiliziranog i demokratskog društva.

Ovom prilikom želimo se zahvaliti ORC-u i HCA Tuzla, DON-u iz Prijedora i Kosmosu iz Ključa, koji su nam pružili mogućnost da budemo partneri i da učimo na primjerima dobre prakse!

UDRUŽENJE MLADI TUZLE

Adresa: Mije Keroševića 3 (Zgrada BKC), 75000 Tuzla
mobitel: +387 (0) 61 804 691,
fax +387 (0) 35 280 026
e-mail: mladituzle@hotmail.com,
Web: www.mladituzle.org

Predstava MAČAK U ČIZMAMA rađena u produkciji Pozorišta mladih Tuzle kao ispitni materijal polaznika Dramskog studija učestvovala je na Državnom festivalu srednjoškolskog i omladinskog stvaralaštva BiH 2009. Ukupno se predstavilo 42 predstave. Predstava MAČAK U ČIZMAMA se takmičila u kategoriji omladinskih pozorišta i udruženja kulture te osvojila sljedeće nagrade:



- * I nagrada Pozorištu mladih Tuzle za likovno i scensko oblikovanje scenskog prostora
- * I nagrada Adnanu Mujkiću za adaptaciju i prilagođenje teksta
- * II nagrada u kategoriji Najbolja predstava godine.

Žiri je radio u sastavu:

- * Muhamed Hamica Nametak, predsjednik
- * Zorana Šuman, član
- * Igor Vidačković, član
- * Adis Lukač, član

Predstava MAČAK U ČIZMAMA nastavlja svoj festivalski život.

Sljedeće izvođenje je 23.maja 2009.godine u Tuzli na sceni Bosanskog kulturnog centra, a dana 26.05.2009.godine predstava će biti izvedena u takmičarskoj konkurenciji Međunarodnog Festivala MAJSKE IGRE - Bečej, Srbija.

Udruženje IPAK – Mladost gradi budućnost

Adresa: Patriotske lige 10, 75000 Tuzla
mobitel: +387 (0) 35 257 474,
fax +387 (0) 035 257 097
e-mail: ipak_tuzla@bih.net.ba,
Web: www.ipak-mgb.ba



IPAK-MLADOST GRADI BUDUĆNOST

Udruženje IPAK-MGB od augusta 2002 godina organizira i implementira jedan od najvećih projekata za mlade ljude u istočnoj Bosni. Naziv projekta je „Mladost gradi budućnost“ koji obuhvata nekoliko cjelina. Jedna od njih je i „Internacionalni omladinski centar IPAK-SHL“ (IOC IPAK-SHL) koji se nalazi u Križevićima, 11 km od Zvornika. Ovo je naziv objekta koji se nalazi na prostoru od 3500 m² i u čijem sklopu se nalaze omladinski centar, stolarska radionica, dva plastenika namijenjenih za praktičnu obuku mladih kao i kombinovano sportsko igralište.

U IOC IPAK-SHL organiziramo stalne ponuda za mlade kao što su: kursevi njemačkog i engleskog jezika, informatika, psihosocijalne radionice, kreativne radionice, muzičke radionice, socijalni i pedagoški rad, slobodne aktivnosti (sportske aktivnosti, igraonica, čitaonica, dani filma i sl.), razne socijalne akcije (npr. svake sedmice disko večeri, likovne kampanje, radne-ekološke akcije, izleti, svake godine posjete inostranstvu i posjete mladih iz inostranstva, sportski turniri, Internacionalni Festival mira (već su održana dva).

Specifičnost IOC IPAK-SHL Križevići je u tome što nudi i teorijsku i praktičnu obuku iz stolarstva-drvomodelarstva i poljoprivrede (plastenička proizvodnja). Ovo je naročito važno za praktičnu obuku mladih a koja tako nedostaje školama u BiH.

Sve aktivnosti koje se u centru nude su besplatne.

IOC IPAK-SHL također posjeduje resurse i kapacitete za organizaciju raznih seminara, okruglih stolova i konferencija kao i smještajne kapacitete na bazi polu ili punog pansiona sa 32 ležaja.

Adis Muhibić

Adresa: Civilnih žrtava rata 3, 88400 KONJIC
E-mail: adismuhibic@gmail.com
Web: www.konjicani.net
Telefon: 387 61 610-127, 033-280-020 LOKAL 3343

U Konjicu se pokreću aktivnosti oko prikupljanja peticije građana iz ulica Luka i Civilnih žrtava rata MZ Trešanica za uspostavu horizontalnih prepreka "ležećih policajaca u ulicama Luka i Civilnih žrtava rata MZ Trešanica" koje su veoma kritično žarište po pitanju sigurnosti građana, jer se radi o mjestima gdje se nalaze dječija igrališta - parkovi i gdje je velika koncentracija građana u svakom momentu.

Čak je dolazilo i do fizičkog zaustavljanja od strane mještana nesavjesnih vozača. Do sada samo pukom srećom još uvijek nije povrijeđeno dijete. Bilo je lomova ruku od strane tih problematičnih vozača, koji su mirni dok je policija na terenu. Čim se povuku – oni nastavljaju divljanje...

Mjesečni bilten – April 2009

O tome i problemima po pitanju saobraćaja se priča na Općinskom vijeću, ali nema konkretnih poteza. Policija sugeriše uporno, ali lokalna vlast je ta, koja odlučuje o uspostavi "ležećih policajaca".

Do sada nema podrške.

Sada se uključujemo mi, neformalna grupa građana iz tih ulica (čiji sam lider) formirajući Inicijativni odbor od desetak ljudi i pozivamo sve zainteresovane Konjičane, da budu dio tima koji će učiniti grad Konjic sigurnijim....kasno je kada neko od djece, ne daj Bože pogine zbog nesavjesnih i frustriranih vozača...



Konkretno: od PU Konjic, koji su već dali podršku posredstvom Vođe sektora i koordinatora Rada policije u zajednici, prikupiti ćemo egzaktno pokazatelje (statističke podatke) o broju saobraćajnih nezgoda sa lakšim i težim tjelesnim ozljedama...izvršiti analizu..., fotoinspekciju navedenih ulica...angažovati volontere i prikupiti SVE potpise građana iz tih ulica oko 300-400 potpisa.

Nakon toga slijedi pritisak na vijećnike OV Konjic da pod hitno razmotre tu peticiju i donesu odluku jedinu ispravnu u interesu građana tih ulica...a to je da prihvate stav javnosti i uspostave "ležeće policajce".

Posljednja žrtva od prije nekoliko dana bio je parkirani privatni automobil policajca koji stanuje u ulici Luka na kojeg je "naletio" vozeći neprilagođenom brzinom jedan od nesavjesnih vozača u našem gradu.

NOVE ČLANICE

Dragi prijatelji Omladinska Mreža BiH je dobila nove članove a to su:

Organizacije

ODRED IZVIĐAČA „KRIN“ TUZLA

Fra Stjepana Matijevića Solanjina br 1, 75 000 Tuzla

061 666 321

oikrin@gmail.com

www.oikrin.com.ba

Mjesečni bilten – April 2009

Odred podstiče i koordinira aktivnosti svojih članova na ostvarivanju zajedničkih ciljeva i zadataka u skladu sa Ustavom, Zakonom i Programom Saveza izviđača BiH.

Ostvarivanjem ciljeva i zadataka svoje organizacije, Odred:

- doprinosi razvoju svojih članova na dostizanju njihovih punih fizičkih, umnih, duhovnih i društvenih mogućnosti, kao pojedinaca, kao odgovornih građana i kao članova njihovih lokalnih, nacionalnih i međunarodnih zajednica;
- razvija duhovnu dimenziju kod svojih članova;
- razvija kod svojih članova ljubav prema domovini, odnose humanizma, saradnju među narodima i težnju za svjetskim mirom;
- razvija kod izviđača ljubav prema prirodi i životu u njoj, razumijevanje za njene zakone i uče ih da čuvaju flore i faunu i stala bogatstva prirode, čovjekove radne i životne okoline;
- svestrano vaspitava svoje članove i razvije pozitivne osobine kao što su: radinost, skromnost, istrajnost, snalažljivost, hrabrost, poštenje, štedljivost, smisao za život u manjim i većim kolektivima, pomoć drugima u nevolji i pomoć starijim osobama;
- razvija kod svojih članova poštivanje ljudi, razvijanje prijateljstva među ljudima i narodima, poštivanje ličnog, vjerskog i političkog ubjeđenja i nepolitičnost organizacije i njenih jedinica;
- stvara kod izviđača radne navike;
- podstiče kod članova interesovanje za nauku, tehniku i kulturu, doprinosi korisnom ispunjavanju slobodnog vremena mladih, rekreaciju i odmor.

UDRUŽENJE MLADIH MONNET CENTAR
Bosanska 121, 77250 Bosanski Petrovac
037 882 334 /061 396 038
monnetcentarbp@gmail.com

GLAVNI PROGRAMSKI CILJEVI NAVEDENI STATUTOM ILI ODLUKOM O OSNIVANJU:

- Uspostavljanje i izgradnja partnerskih odnosa između lokalnih uprava, građana, NVO...
- Rad na društvenom jedinstvu, integraciji i društvenom uključivanju pripadnika marginaliziranih grupa
- Animiranje građana da aktivno učestvuju u društvenom i ekonomskom životu BiH, a posebno zajednica u kojima žive,
- Edukacija i promocija cjelo životnog učenja
- Podrška razvoju privatnog sektora, poduzetništva i zapošljavanja mladih
- Rad sa građanima na širenju modela ponašanja koji promovira poštivanje ljudskih prava i sloboda, razlika, koncept nenasilja, toleranciju i demokratizaciju društva, te zagovaranje tolerancije i demokratizacije, kao metode za izbjegavanje konflikta.

UNIVERZITETSKI PLESNI KLUB UNIVERZITETA U TUZLI
II OKTOBAR br 2, 75000 Tuzla
061 73 85 80, 061 18 00 24, 035/ 278 536
a.alan.upkut@live.com
meliha.upkut@live.com
www.usd.untz.ba/upkut

GLAVNI PROGRAMSKI CILJEVI NAVEDENI STATUTOM ILI ODLUKOM O OSNIVANJU:

Osnovne djelatnosti Udruženja su:

Mjesečni bilten – April 2009

- društveni plesovi kao rekreacija,
 - takmičarski plesovi,
 - standardni i latinoameričke plesovi,
 - moderni plesovi,
 - akrobatski rock and roll,
 - netakmičarski scenski plesovi,
 - sekcija za edukaciju plesnih kadrova za rad u osnovnim i srednjim školama,
 - sekcija manekenstva.
- planiranje rada i razvitka plesa,
 - organizovanje i provođenje redovnih sistemskih školskih i univerzitetskih takmičenja,
 - pripremanje svojih članova za sudjelovanje na gradskim, kantonalnim, državnim i međudržavnim takmičenjima,
 - poduzimanje mjera i stvaranje uslova za unapređivanje stručnog rada,
 - ukupnom aktivnosti društva poticati razumijevanje i usvajanje etičkih vrijednosti kroz bavljenje plesnim aktivnostima.

Pojedinac:

Elma Velić – pojedinac

Lamela 3/5 ozimice 1, Bihać , 77000 BiH

061 239 211

elmavelic@gmail.com

Zovem se Elma Velić. Studiram engleski jezik i književnost na Pedagoškom fakultetu u Bihaću. Četvrta sam godina. Volontirala sam više od godinu dana u udruženja za djecu s posebnim potrebama Radosti druženja. Bavim se sportom i spisateljstvom.

Mislim da mladi u ovoj državi nemaju mnogo opcija, zato mnogi i odlaze van države. I sama sam došla u iskušenje da odem. Mladi su dosta zapostavljeni, skoro pa nebitni, jer način na koji se država prema njima odnosi ne pokazuje drukčije. Mislim da se mladi više i ne bore za svoja prava, jer su vidjeli iz prošlih primjera da se ništa ne dešava. Politika nas uvijek guši i uvijek su pogrešni ljudi na državnom vrhu.

Danas se zaposliti znači imati mamu, tatu, strinu, tetku ili slično u nekoj državnoj ustanovi. Kad sagledam cijelu situaciju, ponekad pomislim da je bolje otići negdje vani, i ostvariti barem nešto od svojeg potencijala i ambicija, ali opet, kod kuće je najbolje.

INFORMACIJE

Y-PEER

7. april, 2009 – Y-PEER, mreža mladih ljudi koji su edukatori vršnjaka u oblasti seksualnog i reproduktivnog zdravlja, obilježili su Svjetski Dan Zdravlja u tri grada u Bosni i Hercegovini, a to su Sarajevo, Bihać i Mostar. Edukatori vršnjaka, u saradnji sa međunarodno priznatim Y-PEER trenerima iz oblasti seksualnog i reproduktivnog zdravlja, obilježili su ovaj dan uličnim akcijama dijeleći informativne materijale, kondome i lubrikante, te odgovarajući prolaznicima na pitanja iz oblasti SRZ. Više o ovoj, kao i sličnim akcijama, radionicama i konkursima, možete pročitati na www.y-peer.ba, a možete se informisati i razmijeniti ideje i iskustva sa svojim vršnjacima putem novog foruma na adresi www.y-peer.ba/forum.

Ulična akcija u Mostaru



Ulična akcija u Sarajevu



Ulična akcija u Bihaću



Početakom Aprila zatvoren je konkurs za odabir novih članova Savjetodavnog Odbora Mladih pri Populacijskom Fondu Ujedinjenih Nacija, a izbor novih članova je konačno finaliziran polovinom Aprila. Savjetodavni Odbor Mladih pri UNFPA trenutno se sastoji od 11 mladih ljudi iz više gradova širom cijele Bosne i Hercegovine, čiji mandat je zagovaranje Standarda u Edukaciji Vršnjaka iz oblasti seksualnog i reproduktivnog zdravlja. Članovi Odbora nastoje da uspostave saradnju sa predstavnicima vlasti na svim nivoima, zagovarajući usvajanje Standarda putem kojih bi SRZ informacije bile dostupne svim mladim u školama u BiH, te pomoću kojih bi svi mladi bili educirani na teme iz oblasti seksualnog i reproduktivnog zdravlja.

Mjesec Maj obilježit će nekoliko jako važnih datuma poput 13. maj-Međunarodni Dan Planiranja Porodice, te 15. maj-Međunarodni Dan Porodice, kako za Y-PEER mrežu mladih edukatora vršnjaka, tako i za članove Savjetodavnog Odbora Mladih pri UNFPA. Međutim, najvažniji datum u Maju, koji će biti obilježen uličnim akcijama i okruglim stolovima sa predstavnicima vlasti na lokalnom nivou, jeste 28. maj Međunarodni Dan Seksualnog i Reproductivnog Zdravlja i Reproductivnih Prava. Ulične akcije su planirane u nekoliko većih gradova širom cijele Bosne i Hercegovine, čiji učesnici će nastojati da prikažu važnost edukacije mladih iz oblasti seksualnog i reproductivnog zdravlja u školama širom cijele zemlje.

Mediji u službi mira

<http://peacemedia.usip.org>

- Možete pronaći filmove, glumce, muziku, video igrice, kao i ostale prezentacije koje se tiču mira.
- Možete ih koristiti u svom radu
- Istraživanja različitih tema, kao prevencija konflikata, nenasilje, post ratna obnova, izbjeglice, djeca vojnici, vladavina prava, religija, promjena klime, terorizam.
- Prezentacije se mogu naći po regijama, zemljama ili vrsti prezentacije

Ako imate ikakvih pitanja molimo vas da nas kontaktirate.

Mreža za mir i suradnju

Ovo je ustvari poziv za učlanjenje u mrežu za mir i suradnju (<http://internationalpeaceandconflict.org>), online poziv da se sastanu profesionalci, akademici i studenti koji učestvuju u rješavanju konflikata, ljudskih prava, međunarodnog razvoja, demokratizacije.

Mreža trenutno broji preko 6500 članova. Web stranica je odličan alat na kojem možete naći lokalne i međunarodne partnere, stipendije, sredstva, i razmijeniti iskustva. Također možete postavljati teme za raspravu kao i blogove. Stranica također ima i video sekciju gdje članovi mogu pronaći video o određenim temama.

Dr. Craig Zelizer, Associate Director
Master of Arts in Conflict Resolution
Department of Government
Georgetown University
3240 Prospect Street
Washington, DC 20007
E-mail: cz52@georgetown.edu
Tel. (202) 687-0512
Fax (202) 687-0597
Web: <http://conflictresolution.georgetown.edu>
<http://internationalpeaceandconflict.org>

DONATORI / STIPENDIJE / ŠKOLARINE / NAGRADE / POSLOVI / PRILOZI

Poziv za apliciranje
Ochberg Stipendija

Odgovorno izvještavanje o nasilju i traumatičnim događanjima, kriminalu, obiteljskom nasilju, prirodnim katastrofama i nesrećama, ratovima i genocidu su neke od najodgovornijih izazova sa kojima se susreće moderno novinarstvo. Dart Centar Ochberg je osnovan od strane Međunarodnog društva za studije o traumi kao i Dart Centra a sve u cilju što bolje pripremanja novinara za njihove izazove.

Dart Centar pruža šest ili više stipendija za novinare koji žele aplicirati i naučiti pratiti nasilne događaje.

Stipendije su namijenjene izvještačima, fotografima, urednicima i producentima sa najmanje 5 godina iskustva u profesiji. Zbog ograničenih sredstava ovaj poziv se odnosi na novinare iz Evrope, Amerike, Australije i Novog Zelanda.

Stipendisti će pohađati dvodnevni seminar koji će se održati 3 i 4 Novembra 2009 u Atlanti, USA, na seminaru će se pričati o ulozi trauma na medijsko izvještavanje.

Više informacija na:

<http://dartcenter.org/ochberg-fellowship-guidelines>

Dragi prijatelji,
Ukoliko ste zainteresovani da se u mjesečnom informativnom biltenu Omladinskog Resursnog Centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30.-ti u mjesecu.

WEB Stranica Mreže:
sCh design
Webmaster:
Emir Delalić-Zeko - Tuzla
emir.delalic@gmail.com
emirdelalic@yahoo.com

web: www.omladina-bih.net
mejling lista Mreže:
mailing@omladina-bih.net

Adrese za slanje vaših informacija za mjesečni bilten:
orcuzla@bih.net.ba
fax: 035 258 077

hCa Tuzla
Hadži Bakirbega Tuzlića 1,
75000 Tuzla
tel / fax: 035 258 077
e-mail: orcuzla@bih.net.ba
hcatuzla@bih.net.ba

hCa Banja Luka
Krfska 84, 78000 Banja Luka
tel: 051 432 753,
fax: 051 432 752
e-mail: hcalido@inecco.net
hcabl1@blic.net

Mjesečni bilten uređuje Omladinski resursni centar - ORC Tuzla



Bilten

hCa Tuzla

Mjesečni bilten – April 2009